



## **KEMENTERIAN DALAM NEGERI**

### **PEKELILING AGENSI PERSENDIRIAN BILANGAN 3 TAHUN 2010**

Semua Syarikat Kawalan Keselamatan

#### **GARIS PANDUAN PERMOHONAN TAMBAH CAWANGAN PERNIAGAAN AGENSI PERSENDIRIAN / SYARIKAT KAWALAN KESELAMATAN DI BAWAH AKTA EJENSI PERSENDIRIAN 1971**

#### **TUJUAN**

1. Pekeliling ini bertujuan untuk memaklumkan kepada semua Syarikat Kawalan Keselamatan Persendirian mengenai **Garis Panduan Permohonan Tambah Cawangan Perniagaan Agensi Persendirian / Syarikat Kawalan Keselamatan Di Bawah Akta Ejensi Persendirian 1971**.

#### **LATAR BELAKANG**

2. Mengikut Seksyen 3(2), Akta Ejensi Persendirian 1971 menetapkan bahawa *Menteri boleh mengenakan syarat ke atas lesen itu sebagaimana yang difikirkannya perlu bagi maksud melaksanakan peruntukan Akta ini manakala Seksyen 18 (h) pula menetapkan bahawa *Menteri boleh membuat kaedah-kaedah secara am untuk melaksanakan peruntukan Akta ini dan kaedah-kaedah itu boleh membuat peruntukan secara am bagi maksud melaksanakan Akta ini*.*
3. Pada tahun 2006, Kementerian telah mengeluarkan Surat Pekeliling Agensi Persendirian Bil. 1 Tahun 2006 bagi menjelaskan peranan dan obligasi

pemilik syarikat kawalan keselamatan dalam mengendali dan menguruskan agensi persendirian termasuk penambahan cawangan.

4. Syarikat kawalan keselamatan merupakan satu perkhidmatan yang penting dalam membantu PDRM untuk menjaga keselamatan awam. Sejak kebelakangan ini, Kementerian mendapati banyak rungutan dan rasa tidak puas hati mengenai kelemahan pengendalian dan perkhidmatan syarikat kawalan keselamatan. Antaranya:

- 4.1 memajak atau menyewa lesen agensi persendirian melalui tambahan cawangan syarikat;
- 4.2 tidak mempunyai pejabat cawangan;
- 4.3 menguruskan cawangan secara tidak profesional;
- 4.4 melantik pengurus cawangan yang telah dilantik syarikat lain; dan
- 4.5 tidak memohon kelulusan Kementerian bagi penambahan cawangan baru.

#### **GARIS PANDUAN PERMOHONAN TAMBAH CAWANGAN PERNIAGAAN AGENSI PERSENDIRIAN / SYARIKAT KAWALAN KESELAMATAN DI BAWAH AKTA EJENSI PERSENDIRIAN 1971**

5. Kementerian telah mengkaji dan menyemak semula syarat/peraturan sedia ada yang bertujuan untuk memperkemasnya agar sejajar dengan hasrat Kementerian untuk memartabatkan industri kawalan keselamatan ke arah yang lebih kompetatif dan berdaya maju. Tambahan pula, sebelum ini tiada satu peraturan yang jelas mengenai penubuhan/penambahan cawangan oleh syarikat kawalan keselamatan. Keadaan ini menyebabkan syarikat kawalan keselamatan menubuh/menambah cawangan tanpa merujuk dan mendapat kelulusan daripada Kementerian terlebih dahulu.

6. Semua syarikat kawalan keselamatan **DIKEHENDAKI** mematuhi **Garis Panduan Permohonan Tambah Cawangan Perniagaan Agensi Persendirian / Syarikat Kawalan Keselamatan Di Bawah Akta Ejensi Persendirian 1971.** seperti di **LAMPIRAN A.**

#### **KUASA-KUASA BERKAITAN**

7. Pekeliling ini dikeluarkan selaras dengan Seksyen 3(2) dan Seskyen 18, Akta Ejensi Persendirian 1971 bagi tujuan mempertingkatkan lagi perkhidmatan syarikat kawalan keselamatan.

8. Kegagalan syarikat mematuhi syarat/peraturan pengendalian dan pengurusan agensi persendirian di bawah Akta Ejensi Persendirian 1971 akan menyebabkan syarikat akan dikenakan tindakan mengikut Akta berkenaan

#### **TARIKH KUATKUASA**

9. Pekeliling Agensi Persendirian Bilangan 3 Tahun 2010 ini berkuat kuasa serta-merta mulai tarikh ia dikeluarkan.

#### **“BERKHIDMAT UNTUK NEGARA”**



**(DATO' SRI MAHMOOD BIN ADAM)**  
Ketua Setiausaha  
Kementerian Dalam Negeri

Tarikh: 21 Jun 2010

Salinan kepada:

Persatuan Perkhidmatan Kawalan Keselamatan Malaysia (PPKKM)

Pejabat Ketua Pegawai Keselamatan Malaysia (KPKK)

**GARIS PANDUAN PERMOHONAN TAMBAH CAWANGAN AGENSI  
PERSENDIRIAN / SYARIKAT KAWALAN KESELAMATAN DI BAWAH AKTA  
EJENSI PERSENDIRIAN 1971**

**1. SYARAT-SYARAT PERMOHONAN**

- 1.1 **Lesen syarikat kawalan keselamatan mestilah sah** sewaktu mengemukakan permohonan tambah cawangan.
- 1.2 Telah **beroperasi dengan aktif** melebihi 1 tahun.
- 1.3 Mempunyai **perolehan tahunan** yang memberangsangkan dengan mengemukakan penyata kewangan beraudit yang terkini.
- 1.4 Pejabat cawangan hendaklah **Iulus tapisan keselamatan** daripada PDRM.
- 1.5 Borang permohonan **mestilah** ditandatangani oleh Pengarah atau Pemegang Saham atau Setiausaha syarikat dan di cop syarikat.

**2. DOKUMEN YANG DIPERLUKAN**

- 2.1 **Borang Tambah Cawangan** sebanyak **2 salinan** bagi setiap permohonan cawangan.
- 2.2 Laporan Audit terkini syarikat.
- 2.3 Kertas perancangan dan objektif penambahan cawangan.
- 2.4 Terma-terma perlantikan pengurus cawangan (dari segi pembayaran gaji, pengambilan pekerja dan lain-lain).
- 2.5 Biodata pengurus cawangan.
- 2.6 Salinan sijil tapisan keselamatan pengurus cawangan.
- 2.7 Salinan Kad Pengenalan pengurus cawangan.
- 2.8 Perjanjian sewa-beli pejabat.

**LAMPIRAN A**

**KKDN.S.205/208/2 klt 4**

3. Kemukakan ke Bahagian Keselamatan dan Ketenteraman Awam, Kementerian Dalam Negeri.
4. **Piagam Pelanggan : Satu (1) bulan** dari tarikh permohonan lengkap.
5. Sekiranya permohonan diluluskan, Kementerian akan mengeluarkan **surat kelulusan sementara** bagi tempoh **2 bulan** untuk menyediakan premis operasi.
6. Sijil lesen perniagaan cawangan hanya akan dikeluarkan setelah pemeriksaan premis operasi syarikat **diluluskan** (pemeriksaan dalam tempoh 2 bulan selepas surat kelulusan sementara dikeluarkan).
7. Sekiranya permohonan ditolak, kemukakan **rayuan dalam tempoh 14 hari** dari tarikh surat keputusan dikeluarkan.